

титесь ко мнѣ всѣмъ сердцемъ вашимъ, постомъ и плачемъ. Да еще сице створимъ, всѣхъ грѣхъ прощени будемъ: но мы на злое възращаемся, акы свинья в калѣ грѣховнѣмъ присно каляющесе, и тако пребываемъ. Тѣмже пророкомъ намъ глаголетъ: разумѣхъ, рече, яко жестокъ еси, и шия желѣзная вия твоя, того ради удержохъ отъ васъ дождь, предѣлъ единъ одождихъ, а другаго не одождихъ, и ише, и поразихъ вы зноемъ и различными казнями; то и тако не обратистесь ко мнѣ. Сего ради винограды ваша, и смокове ваше, нивы и дубравы ваша истрохъ, глаголетъ господь, а злобъ вашихъ не могахъ истерти; послахъ на вы различныя болѣзни и смерти тяжкыя, и на скотѣхъ казнь свою послахъ, то и тако не обратистесь къ мнѣ, но рѣсте: мужаймься. Доколѣ не насытитесь злобъ вашихъ? Вы бо уклонистесь отъ пути моего, глаголетъ господь, и соблазнисте многи; сего ради буду свѣдѣтель скоръ на противныя, и на прелюбодѣица, и на кленущая именемъ моимъ во лжу, и на лишающая мзды наемника, и на насильствующая сиротѣ и вдовици, и на укланяющая судъ кривѣ. Почто не сдержастесь о грѣсѣхъ вашихъ, нѣ уклонисте законы моя и не схранисте ихъ? Обратистесь ко мнѣ, и обращюся к вамъ, глаголетъ Господь, и азъ отверзу вамъ хляби небесныя и отвращу отъ васъ гнѣвъ мой, дондеже все обилуетъ вамъ, и не имуть изнемощи винограды ваши ни нивы. Но вы отяжасте на мя словеса ваша, глаголюще: суетепъ работаяй богу. Тѣмже усты чтуть мя, а сердце ваше далече

*веля и тѣми ны веля вѣчныя мукы гонезноути, аще раскаявшесе, възпять пакы възвратимся на правдѣное житие въ немже ны богъ вьсыгда велить жити. Глаголетъ бо самъ пророкъмъ къ намъ: обратистесь къ мнѣ всѣмъ с(б)рд(ь)ц(ь)мъ вашимъ, постѣмъ и плачѣмъ и възплѣмъ; аще сие боудеть въ насъ, то надѣюся имамаъ, вьсѣхъ грѣхъ прощени бывше, отрадоу прияти, нѣ не видимъ васъ въ ц(ь)рк(ь)ви събирающа, ни възращающа никогоже отъ зѣлобъ своихъ, нѣ акы свинья въ калѣ грѣховнѣ присно каляющесе и акы пѣси на своя бловотинны възвращающесе, тако прѣбываете. Тѣмъ же, не тѣрпя зѣлобъ нашихъ, богъ пророкъмъ намъ глаголетъ: разоумѣхъ, рече, яко жестокъ еси и шия желѣзна вия твоя, того ради оудѣржахъ отъ васъ дѣждь, дѣлъ<sup>1</sup> же единъ одѣждихъ и<sup>2</sup> другааго не одѣждихъ, и ише, поразихъ вы зноимъ и различными язями,<sup>3</sup> то и тако не обратистесь къ мнѣ, нѣ рекосте: створимъ зѣлая да придоуть на ны добрая, пожьртѣмъ стоуденъцемъ и рѣкамъ и стѣмъ, да оулучимъ прощениа своя. Сего ради винограды ваша и смокѣви ваша и нивы и доубравы истрохъ, глаголетъ господь, а зѣлобъ вашихъ не могахъ истерти; посѣлахъ на вы различны<sup>4</sup> болѣзни и смьрти тяжкы и на скотѣхъ казнь свою показахъ, то и тако не обратистесь, нѣ рѣсте: мужаймься. Доколѣ не насытитесь зѣлобъ вашихъ. . . Вы же уклонистесь отъ пути моихъ, глаголетъ господь, и съблазнисте многи; сего ради боудоу свѣдѣтель скоръ на противныя и на*

<sup>1</sup> предѣлъ. <sup>2</sup> а. <sup>3</sup> недоугы; <sup>4</sup> *Златоструй* 1474: различныя.